



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 32. redovnoj sjednici održanoj 2. novembra 2022. godine, usvaja

**ZAKON
O IZMJENI I DOPUNAMA
ZAKONA O POREZU NA DOBIT**

Član 1

(1) U Zakonu o porezu na dobit (Službeni glasnik Brčko distrikta Bosne i Hercegovine, broj: 17/22 - prečišćeni tekst) u članu 8 stav 2 tačka f) mijenja se i glasi:

„f) donacije javnim institucijama i donacije za humanitarne, kulturne, obrazovne i naučne svrhe u iznosu do 3% od ukupnog prihoda u toj poreznoj godini;“.

(2) U istom članu, poslije tačke f) dodaje se nova tačka g) koja glasi:

„g) donacije za sportske svrhe u iznosu do 10% od ukupnog prihoda u toj poreznoj godini;“.

(3) Dosadašnje tačke g), h) i i) postaju tačke h), i) i j).

Član 2

(1) U članu 39a iza stava 1 dodaje se novi stav 2 koji glasi:

„(2) Pravo na porezno oslobađanje iz stava 1 ovog člana ima isključivo obveznik:

- a) koji se na teritoriji Distrikta bavi proizvodnjom kao pretežnom djelatnosti
- b) i ima sjedište u Brčko distriktu BiH.“

(2) Dosadašnji stav 2 postaje stav 3.

Član 3

U članu 43 iza stava 1 dodaje se novi stav 2 koji glasi:

„(2) Direktor je dužan u roku od 60 dana od dana stupanja na snagu ovog zakona izvršiti usklađivanje podzakonskih akata s odredbama ovog zakona.“

Član 4

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine, a primjenjivat će se od 01. januara 2023. godine.

Broj: 01-02-5102/22
Brčko, 2. 11. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić